


Qaqortup qeqertaasartaata ineriartortinnissaanut takussutissaq - kommunimut pilersaarut 2017-2028 – Kommune Kujalleq

Oqaaseqaammi matumani kommunip 2017-2018-imut pilersaarutaani siunissaq ungasinnerusoq eqqarsaatigalugu Qaqortup qeqertaasartaata ineriartortinnissaanut siunnersuutit eqikkarneqarput. Nunap ilai pineqartut kommunip pilersaarutit siunnersuutaanut inissineqartussat siunnersuutigineqartut digitalingorlugit uani takuneqarsinnaapput: <https://kujalleq2017.odeum.com>.



Tamakkiisumik qalipaasersukkat kommunip 2017-imut pilersaarutaanut inissineqarnissaat siunnersuutigineqarpoq - alannguusanik titarnilersukkat ungasinnerusoq isigalugu inissiffissatut tulluurtut paasineqaannartussaapput.

1. Qummut

200-B8 inuussutissarsiorfittut pilersaarutaagaluartoq kommunip 2011-mut pilersaarutaanit peerneqassaaq. Nunap ilaata ilusaa peqqutaalluni aqutigineqarsinnaanera ajornakusoorpoq, aqqusinnermi sivingavallaalingikkuni sangujoraartorujussuusammaat. Illoqarfiup alliarternera ineriartorneralu maannakkut mittarfiup tungaanut sammitinneqarpoq

Nunaminertaq qangaanerusoq pilersaaruseriusimagaluartoq ataatsimoorusamik sanaartorfissamut inissineqassaaq (200-C8), sinnerilu siornatigut sanaartorfigeqqusaanngitsumut 200-D2-mut inissineqassallutik.

2. Iterlak (kangerliumaneq)

Nunaminertaq tamanna kommunip 2011-mut pilersaarutaani "teknikkeqarnermut atortuusivik"-tut naatsorsuusaaqaluarpoq (E-område) pingasunik "immikkoortoqarluni" A, B, aamma C.

Immikkoortoq A (kujalleq) ujaraaraasivittut atugassaaq kommunip 2017-imut pilersaarutaani 200-E10-mik taallugu attatiinnarneqarpoq.

Immikkoortoq B (akornaniittoq) tuttuuteqarfittut toqoraavittullu atugassaagaluq pilersaarutinit peerneqarpoq. Nunaminertaq tamanna ataatsimoorusamik sanaartorfissamut (200-C10-mut) inissinneqarnissaa annerusunngortinneqarnissaalu siunnersuutigineqarpoq. Tamanna namminersorlutik inuussutissarsiortunut, suliffeqarfinnut, UNESCO-mut atatillugu tikeraanut takornarianullu sullissivissamut inissianullu naatsorsuussaavoq. Atulorfissaa sioqqullugu pilersaarusiortoqassaaq.

Immikkoortoq C (kangisinneg) peqqissarfissaqqissutut takornariaqarnermullu tunngasunut naatsorsuussaavoq. Nunap ilaa tamanna Kommunip 2017-imut siunnersuutitut pilersaarutaani peqqissarfissatut atorineqarnissaa attatiinnarneqassaaq (illuaqqat/aasarsiortarfiit).

3. Mittarfiup eqqaani inuussutissarsiorfik

Mittarfiup pilersinneqarneratigut inuussutissarsiutit nutaat periarfissaqalersussaapput, taamaattumik suliffeqarfinnut illoqarfimmut nuukkusuttunut mittarfiullu eqqaanut inisseerusuttunut ammaassinisaa pingaaruteqarluinnarpoq. Taamaattumik nunap ilaanik immikkuullarissumik inuussutissarsiorfinnut naatsorsuussamik inissiisoqarpoq (200-B11), tassaalluni mittarfimmut attuumassutilinnut suliffeqarfinnullu ajornaannerusumik mittarfimmut periarfissagissaarusuttunut atorineqarsinnaasoq.

4. "Lejrskoleqarfitoqqap" Eqalugaarsuit eqqaanni nunaminertaq illuaraliorfissaq/aasarsiortarfiorfissaq

Taamatuttaaq takornariat ajornannginerusumik illoqarfiliarsinnaanerannut mittarfik ammaassissaaq aammalu illuaraqarnermik/aasarsiortarfeqarnermik pisariaqartitsineq annertusisinnaalluni. Taamaattumik pilersaarummi nunaminertat arlallit illuaraliorfissanut/aasarsiortarfiorfissanut immikkoortinneqarput. Nunaminertaq tamanna K8 (nuna ammasoq) privatinut aasarsiortarfeqarusuttunut imaluunniit takornarialerisutut illuaraqarfiliorusuttunut, inuunnaat angerlarsimaffiini unnuisitsisartunut (Bed&Breakfast), tammarsimaarfeqarfinnut assigisaannullu naatsorsuussaavoq.

5. Illoqarfiup eqqaani illuaraqarfik/aasarsiortarfeqarfik - Akinnaat

Nunaminertaq illuaraqarfittut/aasarsiortarfeqarfittut atorineqarnissaa siunnersuutigineqarpoq- K7 (nuna ammasoq) område 4-tut. Taamaattoq nunaminertaq tamanna immikkut pilerigineqarpoq, peqqutigalugu Qaqortumut Qaqortumiillu pisunneq ajornanngitsunnguummat, taamaattorli illoqarfimmit avinngarusimalluni. Taamaattumik nunaminertaq tamanna takornariat saniatigut illoqarfimmi innuttaasut akornanni feeriararfissamut biilinggikkaanni angallammik angalarusunngitsunut/-sinnaanngitsunut aammattaaq soqutiginaateqarsinnaavoq.

6. Inuussutissarsiorfittut ineriartorfiusinnaasoq - Nuupiluk

Nuupiluup mittarfittaallu aqqusinertigut atassusernissaa Nuupiluullu eqqaani tulattarfiliornisaa kommunip isumassarsiaaraa/kissaatigaa. Tulattarfik ilaatigut ikaartaammik Narsamut attaveqalernissamut aallaaviusinnaavoq, ilaatigullu Qaqortup Narsallu umiarsualiviinut oqilisaataasinnaalluni. Taamaattumik kommunip pilersaarutaanut ilanngunniarneqarpoq, malunnartinniarlugu tamaani inuussutissarsiorfimmik ineriartortitsisoqarsinnaanera periarfissaammatt. Nunaminertaq tamanna immikkoortortatut nalunaarsorneqanngikkallarnissaa siunnersuutigineqarpoq, pissutigalugu nunap ilusaa allallu peqqutaasinnaasut apeqqutaammata (aqquserngit pinngortitamut tulluarsarnissaat, tulattarfissap inissinnissaa illoqarfiullu ineriartortinneqarnera). ” Nunap ilaata avannaatungaaniittup umiarsuaviliorfigineqarnissaa suliffeqarfissuarnullu atorineqarnissaa siunnersuutigineqareemat Matup tungaanut sissap eqqaani nunap tamassuma nunaateqarfittut ineriartortinneqarnissaa tulluarpoq (Nersutit immuliortut, naatsiiianik naatitsinermut, savaateqarnermut il. II

7. Nunap ilaa inuussutissarsiorfinnut/suliffeqarfinnut atorneqaratarsinnaasoq

Suliffeqarfik suugaluartorluunniit inissamik annertoorsuarmik pisariaqartitsisoq (ass. tunisassiorfik, qarasaasianut nillorsaavissuaq allaluunniit) illoqarfimmut soqutiginnilissagaluarpat kommunimut pilersaarummi pingaaruteqarluinnarpoq takutissinnaallugu sanaartorfigissallugu periarfissagissaartoq. Taamaattumik kommunip pilersaarutaanut ilanngunniarneqarpoq, malunnartinniarlugu tamaani suliffeqarfinnut inissamik annertoorsuarmik pisariaqartitsisunut matumani inuussutissarsiorfiusinnaasunut nunaminertaqartoq. Nunaminertaq manikannerlunilu Mittarfimmiit Qaqortumiillu tikikkuminartuuvoq, taamatutaaq Narsamiit ikaartaat aqqutigalugu. Nunaminertaq taamatutaaq suliffeqarfinnit takornarialerisunillu atorneqarsinnaassaaq. Tamaani suliffeqarfiit minnerumaat inissinnisaat kissaatiginangilaq, taarsiulluguli område 3-mi, 2-mi imaluunniit illoqarfimmi, taamaattumik nunaminertaq immikkoortortatut nalunaarutigineqassangilaq.

8. Nunaminertaq peqqissarfissaqqissutut piukkunnaatilik - illuaqqanut/aasarsiorfinnut nunaminertaq - Taartoq

Nunaminertaq asimut qanittumiikkami peqqissarfissaqqissuuvoq, siunissamilu takornariaqarnermut privatinullu atatillugu illuaraqarfittut/aasarsiorfarfittut piukkunnarluni. Nunaminertaq annertummat ineriartorfissagissaarpoq. Isumaliutersuutit allat pilersaarutitullu isumassarsiaasinnaasut kommunimut pilersaarutaajumaartussap nutarsaqqinnissaanut atatillugu kingusinnerusukkut nunaminertanut killilinnut inissinneqarsinnaapput.

Qaqortoq, ulloq 27.11.2016

Birger Lilja Kristoffersen

Pilersaarusionermermi pisortaq

Teknikkeqarneq & Avatangiisit